



1. juni 2011

Inatsisartut suleriaasianni § 37 naapertorlugu matumuuna Apeqqut imaattoq Naalakkesuisunut saqqummiuppara:

**Naalakkersuisunut apeqqut:**

- 1. Pisortat suliaasaannut suliarinnittarnermut atorfinitsitseqqusiunnaarneq qanoq sunniuteqarpa?**
- 2. Pisortat suliffeqarfiutaannit kiffartuussinernut atorfinitsitseqqusiunnaarneq qanoq sunniuteqarpa?**
- 3. Inatsisiliornermut inatsisinillu atuuttitsilernissamut Namminersorlutik Oqartussani suliaqarnermi atorfinitsitseqqusiunnaarneq sunniuteqarpa?**

(Inatsisartuni ilaasortaq, Akitsinnguaq Olsen Siumut)

**Tungavilersuut:**

Isertortuunngilaq assaat ikinnerit pisortat suliaasaataanni sulianik annikinnernik naammassinnis-sinnaammata. Tassani immikut inatsisiliorneq eqqarsaatigalugu.

Pisortat allaffeqarfissuat qitiusoq sipaaruteqarfigineqarniarluni aalajangiivigineqaraangat innuttaasunut kiffartuussinermut attuiuaannarpoq, maannakkullu atorfinitsitseqqusiunnaarneq siparniutaasut ilaat soorunami pisortat suliffeqarfiutaanni sunniuteqarpoq.

Immikkut assersuutissatut ersersilaarusuppara nunatta qitiusumik nakorsaatinik tunniussisarfia. Nakorsaatinik tunniussiarfimmi nutaamik nakorsaaatinik passussinermut periuseq atuutinneqalernerani suliaasat annertusiartormata soorunami taassuma kingunerisaannik innuttaasunik aamma kiffartuussinermi.

Inatsisartut katersuuttarneri tamarmik aalajangiinernik nassataqartarput, aalajangernerillu pitin-nagit aalajangiiffigisassatut siunnersuutip inatsisiliarineqannginnerani qitiusumik allaffeqarfissu-armi allaffissornikut sulisut aqquusaartussaavai piareersarneqarnermini, Inatsisartunut aalajangi-gassatut saqqummiunneqartinnani Inatsisartut ataatsimiittarfianni. Inatsisilerineq aallaavittut suliarineqartarpoq assigiinngitsuni allaffeqarfinni sulisunik allaffissornikkut pisariaqartitsisumik Inatsisartuni aalajangiivigineqartinnagu, taamaattumik inatsisilerineq atorfinittitseqqusiunnaarne-rup kinguneranik kigaannerulersimappat aamma taanna tupigineqarsinnaanngilaq.